

**Nezegiar la puma da Sagogn – encuretgidonters!**

■ (cp) Per il project da tgirar e revitalisar la tschenta da pumera e las orchideas da Sagogn ha la Pro Sagogn retschert igl atun vargau il premi da giubileum dalla Pro Natura Grischun. La primavera ha l'uniun entschiet cun las empremas lavurs els curtgin cun pumera aulta. Sin las parcelas che nus havein giu a disposiziun han persunas dil fatg tagliau plontas. Proximamein ein ils emprems fretgs madirs. La Pro Sagogn less nezegiar meglier quels fretgs e buca schar ir tons a mal. Per quei intent encurin nus gidonters e gidonters per la raccolta e per l'utilisaziun dalla puma. Sper la vendita da puma frestga eis ei previu da far must e vinars sco era da sechentar fretgs. Tgi che ha interess da gidar il settember ni october duront singuls gis vid la raccolta ni la producziun vegn supplicaus da s'annunziar tier *Luis Poléna*, tel. 081 921 63 51 ni [info@prosagogn.ch](mailto:info@prosagogn.ch). Cunquei che las lavurs sedrezzan suenter la madiraziun dils fretgs ein ils datums da lavur aunc buca fixai. Gidonters e gidonters vegnan dumandai a cuort termin per mail ni per telefon. Bugen pren la Pro Sagogn era encunter damondas per raccoltar ulteriura puma. La puma da Sagogn ei fetg gustusa ed ei füss donn da schar ir ella a mal.

**CUMPADIALS**

**Open air – empau auter**

(anr/ff) El curtgin dalla Casa sogn Giuseppe a Cumpadials ha in'attracziun apartia liug sonda proxima. Detg aunc meglier, pliras attracziuns dat ei da veser, mo cunzun d'udir. Diesch gruppas sepresentan naven dallas diesch dalla damaun tochen allas diesch dalla sera agl emprem «Open Air – empau auter». L'idea dils organisaturs dad arver las portas da lur casa da tgrira ed attempai ei sesviluppada naven d'in sempel concert da stad tier ina manifestaziun voluminusa. Ils organisaturs han integrau ella fiasta tuttas facetas per in open air. Els puntueschan denton che quel seigi «empau auter». Inagada ei il liug differents als gronds spazis da concert el liber. Il concert ha numnadamein liug el curtgin dalla Casa sogn Giuseppe. Plinavon ein las gruppas da musica che sepresentan buca gest quellas che cumportan en in open air tradizional. In sguard sil program tradescha ch'ils responsabels vulan puntuar la diversificaziun. Bein ein rock e pop romontsch presents cun las gruppas «Hard Milk, Galions e Mattiu Defuns», per contrast vegn ei denton garantiu culs «Stelser Buaba», la formaziun dalla Purtenza che fa musica populara e cun *Alexi e Marcus* che contan lur balladas romontschas. Il magnet magic vegn gest all'entschatta, numnadamein ils «Acabellos». Quels cantadurs indigens procuran per cant melodius ed era per acziuns e sgnoccas. Spanegiaus astg'ins era esser dalla presentaziun dils «Classic Muments» cun *Gion Tschuur* e siu ensemble cantic ed instrumental. Las cantaduras *Corin Curschellas* ed *Annina Cadruvi* ein sil program musical. Il punct final tschenta «Black & White» cun soul e blues dalla Surselva. Ei dat veramein ina mischeida per tuts che han musica el cor. «Nus lein arver nosa porta per in inscunter denter las generaziuns. Nos cussadents selegnan da veser gliעד pli giuvna. Per dar veta en casa ei in tal concert adattaus.» Aschia s'exprima *Esther Appenzeller*, la menadra dalla casa. Cun siu cuschinier *Gion Janka* e cun *Stefan Lutz* han els treis organisau la manifestaziun. Janka ed *Irma Collenberg*, ils capos dalla cuschina, semtgan bunas tratgas e sufficientamein bubrondas per ils visitaders. La modesta entrada da 35 francs duei gidar a cuvierer ils cuosts che occuoran per la tecnica, l'infrastructura e las gruppas che sepresentan. Ils organisaturs ein semtgai per in vast auditori. Il bi program prepara us garant per lur optimissem.

**BALLAPEI**

**Trun/Rabius cun aulta victoria encunter Laax**

(anr/hh) Schluein Glion ha stuii nudar gia egl emprem giug da campiunadi l'emprema terrada. El giug dalla 2. ligia regiunala ha l'equipa da *Cyrille Belinga* stuii sutta-cumber a Montlingen cun 1:3. Fussen ils Sursilvans stai oravontut ell'emprema mesadad empau pli efficient avon il gol dils adversaris, fussen in remis ni schizun ina victoria stai pusseivels.

Alla squadra da Trun/Rabius ei la parenza el campiunadi niev dalla 4. ligia reusida cun in'aulta victoria. L'equipa dalla Cadi ha gudignau il giug ordeifer encunter Laax gest cun 13:0. Medemamein victorisau han Lumnezia e Danis-Tavanasa. Schegie ch'igl ei dau pér ina runda laian quels resultats tonaton spitgar in interessant campiunadi da 4. ligia ord vesta sursilvana.

En 5. ligia ha Rueun gudignau la fin d'jamna encunter Trun/Rabius. Sedrun/Mustér e Lumnezia han partiu ils puncts, Danis-Tavanasa ha spiars ordeifer encunter Vaz-sut.

**2. ligia, gruppa 1**

Buchs – Weesen	1:1
Mels – Vaduz	3:1
Au-Berneck – Altstätten	3:3
Schluein Glion – Montlingen	1:3
Widnau – Ruggell	1:1
Rapperswil-Jona – Bogn Ragaz	4:0

**3. ligia, gruppa 1**

Panaduz – Uznach	0:4
Domat – Sevelen	6:0
Tusaun-Cazas – Landquart	2:2
Valposchiavo – Flums	0:0
Triesen – Sargans	3:2

**4. ligia, gruppa 2**

Laax – Trun/Rabius	0:13
Vaz-sut – Schluein Glion	2:1
Taminatal – Walenstadt	2:0
Mels – Lumnezia	0:6
Landquart – Danis-Tavanasa	0:4

**5. ligia, gruppa 1**

Rueun – Trun/Rabius	2:0
Sedrun/Mustér – Lumnezia	2:2
Union Trin – Domat	3:1



Schluein Glion ha spiars igl emprem giug dil campiunadi niev dalla 2. ligia regiunala a casa encunter Montlingen. Igl ei stau in giug cun scenas per part fetg groupas. Sonda proxima ein ils Sursilvans hosps a Vaduz. Igl adversari ei medemamein partius cun ina terrada el campiunadi, numnadamein 1:3 encunter Mels.

FOTO H. HUONDER

Vaz-sut – Danis-Tavanasa	6:1	<b>Juniors B, classa da fermezia 2</b>	
		Panaduz – Surselva	4:0
		Schaan – Sargans	7:1
		Tusaun-Cazas – Lusitanos	6:1
		Valposchiavo – Cuera 97	7:5
		<b>Juniors C, classa da fermezia 1</b>	
		Rapperswil – Wagen-Eschenbach	3:0
		Domat – Mels	2:3
		Cuera 97 – Panaduz	2:2
		Flums – Glaruna	1:13
		<b>Juniors C, classa da fermezia 2</b>	
		Surselva b – Surselva a	8:1
		Schlarigna – Surses	4:2
		Vaz-sut – Tavau	3:1
		Lanquart – Tusaun-Cazas	1:1
		Triesen – Domat	2:0
		<b>Juniors D9, elita</b>	
		Surselva – Goldach	4:3
		Uznach – Domat	7:1
		Cuera 97 – Widnau	2:6
		<b>Damas, 4. ligia, gruppa 1</b>	
		Panaduz – Balzers	10:1
		Schaan – Mels	4:1
		Schluein Glion – Schlarigna	1:1
		Flums – Lusitanos	7:0

**Lumnezia e Tavau han gudignau**

250 affons e giuvenils alla «Swiss-Ski Summer Trophy» a Glion

■ (anr) La «Swiss-Ski Summer Trophy» la sonda vargada ha mussau ch'ils sportists sin neiv ein en fuorma era duront la stad. En equipas a tschun han ils affons e giuvenils examinau lur savida sin differents posts. Il pli bia success han las equipas dalla Lumnezia e da Tavau giu. 250 affons e giuvenils ein separticipai alla concurrenza. En teams a mintgamaì tschun dels han els battiu ellas categorias youngsters (annadas 2006 entochen 2009) e juniors (annadas 2001 entochen 2005). Ella categoria youngsters ei il team dalla Lumnezia ius cun la plema avon ils concurrents da Sursaiisa e dil Club da skis Beverin. Il Club da skis Tavau ha victorisau ella ca-

tegoria dils juniors. In'equipa mischedada da differents clubs suonda sil secund rang e sco tierz seplazzescha Sursaiisa. Igl organisatur digl arranschament, il Surselva Ski Team, sa trer ina bilanza positiva. La concurrenza seigi stada in grond success.

Affons e giuvenils dall'entira Svizra han saviu separticipar a quella «Swiss-Ski Summer Trophy». Sin differents posts han els saviu mussar lur savida, mo era lur fantasia. Tgi che ha vuliu haver success ha stuii mussar spertadad, equiliber, reacziun e perseveronza. *Jonas Baumann* dil cader A da cuorsa liunga e *Jasmin Flury* dil cader B alpin han animau las participontas ed ils participonts e reparti-

autograms. Ils dus sportists d'elita ein stai incantai dallas prestaziuns mussadas dils affons e giuvenils.

Quella seria da stad vegn arranschada uonn per la sisavla ga da Swiss Ski in col-laboraziun cun clubs da skis. La finamira da quei arranschament ei d'animar ils affons e giuvenils da sepreparar pigl unviern vegnent en fuorma d'exercezis da giug. Cun ina buna preparaziun san numnadamein era blessuras vegnir impedidas. Il final dalla trofea ha liug ils 8 d'october 2016 a Greifensee.

**Rangaziun**

Youngsters: 1. Lumnezia Sprinters, OG Lumnezia (Casanova Simona, Casanova Luca, Cavegn Romina, Lombris Nando, Andreoli Paul); 2. Asterix,

CS Sursaiisa (Bianchi Lara, Schmucki Vera, Kretz Ben, Kretz Finn, Tschuur Simon); 3. CS Beverin (Buchli Nina, Battaglia Nina, Thoma Andrin, Caluori Lauro, Battaglia Livio); 4. Surselva-Cracks (Tschuur Damian, Ineichen Noé, Mathys Javier, Collenberg Leandra, Neukomm Nicolas); 5. Obelix, CS Sursaiisa (Audergeron Melanie, Mathys Lavinia, Schaltegger Kay, Tschuur Liviano, Tschuur Tobias).

Juniors: 1. Toni's stonies, CS Tavau (Lindegger Flavia, Gruber Jovin, Meisser Céline, Brändli Gino, Meier Lea); 2. Vögel, Clubs da skis Beverin, Alpina S. Murezi, Tavau (Taverna Martina, Filii Nino, Gini Silvano, Weitering Luc, Trinkler Gianetta); 3. Bananas, CS Sursaiisa (Schnider Luca, Eichenberger Pascal, Cavegn Justina, Vieli Gioia, Neukomm Alicia); 4. Team Panda 1, CS Trun (Tomaschett Svenia, Sossai Elia, Nay Fadri, Decurtins Andriu, Maissen Paula); 5. Atomic-Team, Sedrun (Pally Nico, Deragisch Fabio, Berther Nino, Berther Tschena, Janki Andrina).



Cundiziun e perseveronza ein stadas premissas pil success.



La coordinaziun enteifer il team ha giugau ina impurtonta rolla.

FOTOS MAD